

現代生活藝術系列

華嚴經疏論纂要 70

—十地品之十一—

華藏淨宗學會印贈

大方廣佛華嚴經疏論纂要卷第七十



五臺山清涼國師澄觀疏鈔

太原方山長者李通玄論

閩鼓山私淑比丘道需纂要

十地品第二十六之十一

○第八不動地初大意

疏所以來者。瑜伽云。雖於無相作意無缺無間多修習住。而未能於無相住中捨離功用。又未能得於相自在修習得滿。故次來也。又約寄位。初之三。地寄同世間。次有四地寄三乘法。第八已去寄顯

一乘。莊嚴論釋第七云。近一乘故。梁論亦說。八地已上。以爲一乘。是知從前差別。進入一乘。故次來也。○言不動者。總有三義。故成唯識云。無分別智。任運相續。相用煩惱不能動。故謂任運。故功用不能動。相續。故相不能動。總由上二煩惱不動。與本分大同。鈔與本分下。卽本論云。報行純熟。無相無地所修。今此位成名爲報熟。空有常行。名爲無間。不爲有間。空故常在無相觀故。○故所離障。亦離無相中作加行障。由有加行。未能現相。及土。此地能斷。說斷二愚。一於無相作功用愚。二於相自在愚。令於相中不自在故。

論此地何故名不動地。明此位菩薩於處世間智。不須功用。神智思量。不思不爲。而智隨萬有通化。無方名爲不動地。此地行願波羅密。爲此地智增。以智體本淨。以願興行。轉更自在。若不以願起智。恐還同二乘。以願防之。不令滯淨。至此地已。法合得諸佛三加七種勸。令念本願起。生智用。任運能起廣大慈悲。便能成無作智悲。任運圓滿。

疏其所詮如名不增減。以任無相。不隨淨染有增減。故卽此亦名相土自在。所依眞如。證此眞如。現相現上皆自在。故

鈔中邊論云。由通達此圓滿。證得無生法忍。於諸清淨雜染法。

中不見一法有增有減。上釋不增減。世親釋相土自在。所依真如云於諸相中而得自在。名相自在。隨其所欲。即能現前。故於所現土而得自在。如欲令土成全等。實隨意成。故釋曰。相約現身土。約器界。故下文於三。世間而辨自在。故。○所成行亦名無生法忍。相土自在。及所得果。即定自在等。皆由無相無功用故。

○次正釋文亦有三分。初讚請

是時天王及天眾

聞此勝行皆歡喜

為欲供養於如來

及以無央大菩薩

雨妙華旛及幢蓋

香鬘瓔珞與寶衣

無量無邊千萬種

悉以摩尼作嚴飾

疏讚請中有十二頌。分二。前十讚。後二請。前中二。

初二天王天衆供讚

天女同時奏天樂

普發種種妙音聲

供養於佛并佛子

共作是言而讚歎

一切見者兩足尊

哀愍衆生現神力

令此種種諸天樂

普發妙音咸得聞

〔疏〕後八天女樂讚於中二初二標讚所依餘六正

顯讚德總讚如來身土自在將說身土自在在地故

於中毛端約利論處毛孔約身

於一毛端百千億

那由他國微塵數

如是無量諸如來

於中安住說妙法

一毛孔內無量刹 各有四洲及大海
須彌鐵圍亦復然 悉見在中無迫隘
一毛端處有六趣 三種惡道及人天
諸龍神衆阿脩羅 各隨自業受果報
於彼一切刹土中 悉有如來演妙音
隨順一切衆生心 爲轉最上淨法輪
刹中種種衆生身 身中復有種種刹
人天諸趣各各異 佛悉知己爲說法
大刹隨念變爲小 小刹隨念亦變大
如是神通無有量 世間共說不能盡

〔疏〕六中。前四依正互在。五依正重重。六轉變自在。兼結無盡。

普發此等妙音聲

稱讚如來功德已

衆會歡喜默然住

一心瞻仰欲聽說

時解脫月復請言

今此衆會皆寂靜

願說隨次之所入

第八地中諸行相

〔疏〕後請可知。

○第二正說分中。二。先地行。後地果。前中有七種差別。一。總明方便集作地分。二。入一切法本來無生下。得淨忍分。三。佛子菩薩成就此忍下。得

勝行分。四佛子菩薩住此第八地。以大下淨佛
國土分。五佛子菩薩成就如是身智下。得自在
分。六此菩薩如是入已下。大勝分。七佛子此菩
薩智地下。釋名分。七中。初二。是趣地方便。一是
遠方便。總前七地。集作此地方便故。二是近方
便。前地得忍光明。此修熟令淨故。三是初住地
行。謂依前淨忍。發起勝修故。次二。卽安住地。行
謂四是正住之始。依前勝行。更起修淨佛土之
行。五。卽正住之終。由淨土行。成德無礙。六是地
滿行。此地望前。通皆是勝。今復地滿。勝中之勝。

故云大勝。七卽辨德彰號通於始終。又前二分卽是入心。餘是住心。今初分二。先標集德處。

爾時金剛藏菩薩告解脫月菩薩言。佛子。菩薩摩訶薩於七地中。

疏集德處。謂總前七地。非獨第七。第七雖亦有下十法。而非次第。以是功用行滿。無功用際。故總集之。卽四節中當第三也。鈔四節之總。初地已釋。謂一入位。二入地。三入無功。

用四菩薩地盡

○二正顯所集

善修習方便慧。善清淨諸道。善集助道法。大願力所

攝如來力所加。自善力所持。常念如來力無所畏。不共佛法。善清淨深心思覺。能成就福德智慧。大慈大悲。不捨衆生。入無量智道。

疏有十一句。分二。前三同相。諸地通行故。後八別相。諸地異修故。同中三句。一二種無我上上證故。

此卽證道地地轉勝。名上上證。巧證不著。經云方

便。**鈔**一二種無我下。卽論文。此下疏釋十地同證。

釋二疏。二善淨諸道者。不任道清淨故。悲智雙運。

故名爲諸三善集助道者。彼方便智行所攝。滿足助菩提分法故。方便是前證道行。卽不任道悲智。

等行故。菩提分卽是彼二所攝之助。助彼二故。後大願下。別相攝八爲七。一初地大願攝持。能至此故。二二地攝善戒中。如來力加故。彼經爲證。十力四無所畏等故。是故我今等行十善等。卽上承佛力。三地中因修自證禪定神通。名自善力所持。四常念下。論云。四地中所說法分別智。教化智。障淨勝。念通達佛法者。謂前十法明門是智。分別卽前觀察。依彼智明。入如來所說法中。次教化智。卽彼經清淨分中。以十種智。成就法故。生如來家。障淨勝者。卽彼論釋。謂滅三地智障。攝四地勝智故。上

之二段皆念通達佛法。故與此同。四常念下。即經常念如來力無
 所畏不共佛法。次牒論文論有二節。一先牒前文。二念通達佛法。即以前釋此就牒前文中。牒兩處
 障淨勝。牒前清淨分中義。謂前十法下。疏釋論依。文。一。所說法分別智。即牒前因分中義。後教化智
 前二段釋之。先釋牒前因分中義。故云謂前十法。明門是智。故前疏云。明為能入之門。法為所入之
 法。此上疏指前經。依彼智下。彼論具云。得證地智。光明。依彼智明。入如來所說法中。釋曰。得證地智
 即四地證智。其光明即前三地。得此四地證智。前。相此兩處智俱欲通達佛法。佛法是三地求多聞
 所得。即十法明門中所觀察眾生界法界世界等。次教化智者。即釋論牒第二段經。先標牒經具云。
 以十種智成就法。故得彼內法。生如來家。障淨勝。者。即論牒前論釋謂滅三地。下。疏取意釋論。若具
 論文。言云。何於如來家轉有勢力。依止多聞。智障。究竟故。除滅智障。攝勝。故今疏已釋。上之二段下
 釋論。念念通達佛法。即以前釋此也。二。五地中有十。處皆念通達佛法。佛法即力無畏等。

種平等。深淨心。故云善淨深心。此心卽是思覺。六能成就六地中三種大悲。故云成就福德。三皆觀因緣集。卽成就智慧。三種大悲者。卽大悲爲首。大悲增上。大悲滿足。觀因緣生滅。七中二句。以近此地故。初空中方便智。有中殊勝行。皆是大慈大悲。不捨衆生行。次句卽前以無量衆生界故。入無量智道。一總明方便集作地。

分竟

○第二淨忍分。有十五句。分三。初十正明無生忍。次四明無生忍淨。後一結得忍名。今初

入一切法。本來無生。無起。無相。無成。無壞。無盡。無轉。

疏然無生忍。畧有二種。一約法。二約行。約法則諸無起作之理。皆曰無生。慧心安此。故名爲忍。卽正明中意。約行則報行純熟。智冥於理。無相無功。曠若虛空。湛猶滄海。心識妄惑。寂然不起。方曰無生。卽淨忍中意。前一猶通諸地。未得於後。不稱淨忍。今初段中言一切法者。總該萬有理事之法。入卽證達。以歷事難窮。畧陳其十。十中相從爲四無生前七爲一。名事無生。後三各一。二自性無生。三數差別無生。四作業無生。四中一破相。二破性。三因泯。四果離。卽前二破相入如。後二證實捨相。又四

中約法性收不出真妄。妄法本空。稱曰無生。真法
離相。亦曰無生。依佛性等論說三性無生。如初會
說。鈔言佛性論者。即彼三性品論云。由有三性故。說說不了義經。達三性者。自然顯了。名了義經。如經中說。若人得無生法。忍則不退。墮問云。此言云何。成立答曰。由三性故。則得成立。如來約分別性故。說本來無生。忍約依他性故。說自性無生。忍約真實性故。說惑垢苦本性無生。忍釋曰。若取文顯。初一似約徧計。以云本來無生。故第二同約依他。以論云。自性無生。故後二約圓成。以第三約位有垢淨。故第四約佛。明所證故。事無生中。前四不增。正顯無生。後三不滅。亦即無滅。法本不生。今則無滅。以初攝後。皆曰無生。後三不滅下。畧有二意。一者是無生。生中別義。故次云。以初攝後。皆曰無生。二者亦應名無滅。忍。即如前疏中說。今亦從總。但云無生。然此無生滅。即不增減。真如別是此地之所證。

故。別言七者。爲治七種實故。實者。隨相執定故。一
淨分法中本有實。謂計自性住性爲事物有。今爲
治此。故云本來無生。本性離故。先若有生。後應滅
故。別中七者下。別釋隨相執實。卽是所治。欲顯無
凡聖。故疏但案文釋。二者約位分別。於中有二。先
明前四爲遣。初地已上。後三爲遣。外凡解行。前中
又二。先別明後結束。前中一淨分法中本有實者。
是論。謂計自性下。疏釋。先舉所治。今爲治此下。引
經爲能治。下七皆然。此初多約初地自性住性。卽
第一義空。以初證。故若謂有物在於心中。爲事物
有。故爲所治。故今治之。本來無生。無生豈是事物
有耶。言本性離。故者。此釋經文。無生之義。若先有
生下。反以成立。卽淨名云。法本不生。今則二新
無滅。得此無生法。忍是爲入不二法門。二新
生實。計習所成。性爲實。治此。云無起。從緣起。故新

新。生。實。者。二。地。已。上。乃。至。七。地。修。道。漸。增。說。為。新。新。能。治。中。言。從。緣。起。故。者。以。從。緣。起。起。即。無。起。

三。相。實。即。計。前。二。性。所。生。行。相。治。此。云。無。相。前。二。

能。生。無。故。三。相。實。者。即。八。地。至。十。地。無。功。用。相。是。上。二。相。智。無。功。用。是。集。起。相。無。生。理。現。

是。本。有。相。四。後。際。實。謂。計。於。佛。果。後。際。出。纏。治。云。無。成。

真。如。出。纏。非。新。成。故。菩。薩。成。佛。時。煩。惱。作。菩。提。故。

上。四。初。一。自。性。任。佛。性。次。二。引。出。後。一。至。得。果。性。

又。此。四。展。轉。釋。疑。可。知。四。後。際。實。者。佛。果。究。竟。為。後。果。即。菩。提。涅。槃。能。治。中。

云。真。如。出。纏。釋。無。涅。槃。實。菩。薩。成。佛。下。顯。無。菩。提。實。上。四。下。後。結。束。有。兩。重。初。約。三。佛。性。三。佛。性。義。

至。十。地。更。明。大。旨。可。知。又。此。四。下。二。展。轉。收。束。謂。何。以。知。無。本。有。實。新。熏。無。成。故。何。以。知。無。成。二。相。

不。可。得。故。何。以。知。不。可。得。菩。提。涅。槃。亦。離。相。故。五。先。際。實。謂。對。佛。果。後。際。

衆生煩惱爲先。治云無壞。煩惱卽空。無可壞故。菩薩未成佛時。菩提作煩惱故。染淨和合以爲衆生。前遣淨分。此遣染分。又前卽不空藏。此卽空藏。皆不可得。五先際實下。第二釋後三句。遣地前執。初卽是業。初句治中云。煩惱無可壞者。是性空門。菩提作煩惱。約妙有稱實門。染淨和合下。此中染卽煩惱淨。卽如來藏。卽不生滅。與生滅和合。名爲衆生。上明不生不生。今辨生滅不生。又前卽不空藏者。以佛性妙有故。此卽空藏者。不與煩惱相應。故今二藏雙遣。云皆不可得。六論云。盡實諸衆生者。謂執衆生念念盡故。揀上煩惱故。特云諸衆生故。上經云。一切凡夫。行莫不速歸盡。治此云無盡。其性如虛空故。上經云下。卽須彌頂上。偈讚品。善慧菩薩。偈以。

上半爲所治。下半其性如虛空。故說無有盡。爲能治。餘竝可知。所以先遣地上者。正此所證。故從細至粗。故又後舉地前。以粗况細。粗未證性。此應合有。今不可得。况於地上。佛性之性。七論云。雜染實淨分中者。謂修行位中。轉染向淨。治此云。無轉。若定有實。不可轉。故論經云。不行。謂能轉之行。不可得。故。

無性爲性

〔疏〕第二無性爲性者。卽自性無生。此則顯詮。論經云。非有有性者。明非有彼定。執自性。此則遮詮。遮顯雖殊。義旨不異。無性卽是法無我理。此理旣以無性爲其自性。則自體無性。非是先有今無。亦非。

全無真體。故云爲性。以前觀事無生。正忍此理。故
斯則非有非無以顯中道。

初中後際。皆悉平等。

〔疏〕第三初中後際皆悉平等者。卽數差別無生。於
三時中。染淨法不增減故。謂先際非染增淨減。後
際非淨增染減。中際亦非半增半減。以知三際皆
空。無自性故。

無分別如如智之所入處。

〔疏〕第四作業差別無生。果位作用。名業差別。如智
貫之。則無差別。無差別卽是無生下。如是理如。上

如是智如。智如於真理故無分別。此智是佛究竟入處。今菩薩證如。同佛入處。故論云。於真如中。淨無分別佛智故。鈔論經云。真如無分別入一切智。故今疏用佛智釋之。若直就今文。但是八地自無分別智耳。要無分別真智方入。非是俗智能入無生。如是四種。皆是示現無生忍觀。論意云。此中廣說無生理者。成於此地無生觀故。

○第二明無生忍淨

離一切心意識分別想。無所取著。猶如虛空。入一切法如虛空性。

疏淨中初句離障。後三顯治。前言離者。論云。示現行遠離。謂契實捨妄名。行遠離。揀非心體離也。所

離一切畧有二種。一離心者。離報心憶想分別。謂

第八異熟識轉現徧行亦不行故。鈔一離心者。牒

想分別。此卽以論釋經心字。謂第八下疏釋論異

熟識是報心故。彼七地中修無漏因。感此變易異

熟果體。卽是報心轉現徧行者。轉現二字卽起信

論以第八賴耶有其三細。謂業轉現業相最細。菩

薩地盡方能離之。今得此忍轉現不行。卽見相二

分亦不行也。言徧行者。唯識等論第八賴耶與心

所俱。唯有徧行五耳。謂觸作意受想思。今與此忍

相應。斯亦不行故。疏總云。轉現徧行亦不行故。而

云亦者。如入滅定。前七不行。第八持二離意識者

離方便心憶想分別。論云。離攝受分別性想故。謂

六七識及中心所等亦不行故。是則心行處滅。名

離一切想。離方便心憶想分別者。疏取論意釋經

意。卽第七識。卽前六此之意識。是異熟

生。但名方便論云下。以論證上方便之義。言攝受
 分別性想者。第七內攝受。六識外分別。此等王所
 居然不行。謂六七下。疏釋論意。及與經意。謂六七
 識。即是王。及中心所者。六七二識所攝心所。一切
 不行。故疏結云。心行處滅。後無所取下。明治上。但
 不同七地。猶有觀求之心。後無所取下。明治上。但
 明所治非有。今明能治不無。故論云。想者。遠離障
 法想。非無治法想者。治即無分別智。所以明此有
 二義故。一揀異斷滅外道無想。二乘滅盡故。二揀
 異如來。尚是照寂。非寂照故。所以明此下。彰立有
 此。是揀劣。外道無想。無有此慧。二乘滅定。亦無此
 慧。想受盡滅故。故此比於滅定。彼所行者。此亦不
 行。如前一切心等。彼所無者。此中則有。謂無分別
 智。二揀如來。即揀勝。未亡無分別智故。故瓔珞云
 等。覺照寂。妙覺寂照。今八地無生。故云。此想於下
 亦照寂故。若窮照寂。即同佛故。

地有三種勝。一無功自然行。故云無所取著。謂無取果心。任性自進。故此顯治妙。二徧一切法想。故云猶如虛空。此顯治廣。三入真如不動自然行。故云入一切法如虛空性。此顯治深。此則入於起信離念相者。等虛空界。無所不徧。法界一相。故云入一切法如虛空性。然論云。不動自然行者。任性趣故。非謂有彼自然行心故。上離卽止。此治卽觀。無功雙運。唯證相應。勿滯言也。此則入於下。以起信意。總收上義。起信所入。卽是本覺。故論云。所言覺者。謂心體離念。離念相者。等虛空界。無所不徧。法界一相。卽是如來平等法身。依此法身。說名本覺。釋曰。今入虛空。卽入法身本覺。故上離下。引論會釋。結無生法忍之止。

耳觀

是名得無生法忍。

〔疏〕結名可知。二得淨忍分竟

〔論〕經云。入一切法如虛空性。是名得無生法忍者。明初地已來。至七地。是順無生忍。八地方得無生忍。八地已前。有爲無爲。皆有覺觀。修學至此。八地。二行方終。

○第三得勝行中。二初明。深行勝。對前彰出。二佛子。此地菩薩下。發起勝。對後彰入。前中亦是攝童真任。文中二。先結前生後。

佛子。菩薩成就此忍。卽時得入第八不動地。

〔疏〕以入第八地。是結前入位。生後深行爲所依故。

○二正顯深行。先法。後喻。今初。

爲深行菩薩。難可知。無差別。離一切相。一切想。一切執著。無量無邊。一切聲聞辟支佛所不能及。離諸諍誼。寂滅現前。

〔疏〕法中八句。初一總相。位行玄奧。故餘七別相。一

難可知者。卽難入深。正是對下彰出。〔鈔〕一明七地

是對下彰出。二無差別者。同行深。與諸無漏淨地菩薩

同故。如麥在麥聚。故難知差別。一卽就勝彰等。三

離一切下。境界深分齊殊絕故。由所取相離。能取

想不現前故。復言離一切執著者。護此地一切所

治障想故。護此地。下。護者。防也。捨也。此是論主別釋此句。揀於上二。恐有問言。但離相想

於義已足。何須更離一切執著。故今通云。以上相

想。言通善惡。今明除所治障想。謂貪求佛法故。論經云。離一切貪著。非除能治無分別智想。以此

治想為能護故。如上淨忍分中。無所取著也。四

無量無邊。卽修行。淡。自利無分量。利他無邊。故五

一切等。明不退。淡。二乘不能壞其勝。故前句當相

辨大。此句寄對以明。六離諸誼。諍。卽離障。淡。謂離

功用障。故七。寂滅現前。卽對治現前。淡。以證真如

為能治。故一切寂滅。

論經云。一切寂靜而現前。故真如一切寂靜現前。故釋曰。

上句教道寂靜。下句證道寂靜。是故疏云。以證真如爲能治故。一切寂靜。其一切言。卽含教也。

○第二喻中。以前七深。從後次第。喻前三段。爲順束爲三段。故喻亦三。

治障。從細至麤。故法中顯深。故從麤至細。二中各有喻合。今初滅定。喻喻前離障寂滅。

譬如比丘。具足神通。得心自在。次第乃至入滅盡定。一切動心憶想分別。悉皆止息。此菩薩摩訶薩。亦復如是。住不動地。卽捨一切功用。行得無功用法。身口意業。念務皆息。住於報行。

〔疏〕喻中。那含羅漢。心解脫人。多能入之。九次第定。當其第九。故云。乃至動心息者。謂所依六七心王。

已滅能依心所憶想自忘。合中。住不動地。合入滅定。卽捨已下。合動心止息。卽捨一切功用行者。過所治故。得無功用法者。明得彼治法故。身口等息者。以得無功用法。自然行故。卽同前無所取著。離第一有行有間發過。住於報行者。文合二意。一亦成。上示現得有功用。行相違法。謂得無功用地故。此約教道。同前無所取著。二者謂善任阿賴耶識。眞如法中故。此約證道。同前入一切法如虛空性。卽離第二淨地。勤方便過。不同前地修無功用故。云報行。報行者。前地所修。報熟現前故。住眞如者。

以本識有二分。一妄染分。凡夫所任。二真淨分。此地所任。由任真如。故捨梨耶之名。又佛地單任真如。不云梨耶真如。今爲有變易報在。是故雙舉。則梨耶言約異熟識。如來但名無垢識故。鈔教道者。別智。可寄言故。任真如下。五重釋論文。而有二意。一雖舉賴耶。但取真如。以第八地捨賴耶名故。故唯識云。阿羅漢位捨釋曰。大乘第八地。同於羅漢。以捨分段。出三界故。又佛地下。二存其賴耶。則顯釋論不善用名。以第八識有其多名故。賴耶但是局凡位故。異熟直至菩薩地盡。雖同第八。不應存賴耶名耳。第八名別已見上文。

○第二夢寤喻。喻前修行深。

譬如有人夢中見身墮在大河。爲欲度故。發大勇猛。

施大方便。以大勇猛。施方便。故即便覺寤。既覺寤已。所作皆息。菩薩亦爾。見衆生身在四流中。爲救度。故發大勇猛。起大精進。以勇猛精進。故至此不動地。既至此已。一切功用。靡不皆息。二行相行。悉不現前。

[疏論云]示此行護彼過想者。離彼化生勤方便。過故。有正智想者。非無此地無功智故。如從夢寤。雖無夢想。非無寤想。但此行寂滅。故云所作皆息。合中勇猛約心。精進約行。合上方便。竝是功用。二行已下。出所息障。依內證清淨。生於涅槃。二心不行。名二行不現。如彼寤時。此彼岸無依。外緣境界受。

用念想不行。故云相行不現。卽離化生聖道等想。如彼寤時。人船俱無。合中。見人憶河。喻中身自憶者。衆生病卽菩薩病故。

○第三生梵天喻。喻境分殊絕。

佛子。如生梵世。欲界煩惱皆不現前。住不動地。亦復如是。一切心意識行。皆不現前。此菩薩摩訶薩。菩薩心。佛心。菩提心。涅槃心。尚不現起。況復起於世間之心。

疏合中。初正合。下地心意識不現。合欲界心不現行也。所以不行者。得報行故。此離微細想行過。故

論云。此說遠離勝也。後此菩薩下舉勝况劣。謂佛等不順行世間。一分心等尚不行。况順行世間。一分心耶。佛心等者。卽七地求如來智心也。此中但况世間。亦應以大况小。大尚不行。况小乘耶。則若世若出世。若人若法。若因若果。若智若斷。皆不行也。

○第二明發起勝行。此下亦是攝尊重行。因勸起行。皆尊重故。勝亦尊重之義。文中四。一說主總敘。二正顯勸辭。三顯勸所爲。四彰勸之益。今初佛子。此地菩薩本願力故。諸佛世尊親現其前。與如

來智。令其得入法流門中。

疏願卽勸因。如第三勸中論云。本願力住故者。迴文未盡。應言住本願力故。諸佛世尊下。總顯勸相。諸佛所以與智勸者。轉彼淡行樂足之心。令入法流門故。法流者。決彼無生止水。令起無功用行。河任運趣佛智海。卽以能趣爲門。又法流者。卽是行海。言與智者。有二意故。一現與覺念。猶彼意加。二令起修取。故名爲與。下之七勸。皆佛智攝。故但云與智。前地未淨。此忍故。此方與。以得此忍。攝德本故。一與之後。不復欲沉。鈔下之七勸。下通妨。乃有四重。一有妨云。下之七勸。

義相不同。何以此中。但云有智。故此通云。七不出智。二前地未淨下。問云佛慈平等。何以徧與此地。菩薩通意可知。三以得此下。復有問言。何以要得此忍。卽與智耶。答意可知。四一與下。復應問言。九十已得。何不與耶。得已不失。故不重與。

○二正顯勸辭

作如是言。善哉善哉。善男子。此忍第一。順諸佛法。然善男子。我等所有十力。無畏。十八不共。諸佛之法。汝今未得。汝應爲欲成就此法。勤加精進。勿復放捨於此忍門。

疏勸辭中有二。先讚。將欲取之。必固與之。後然善男子下勸。於中有七。一勸修如來善調御智。二勸

悲愍衆生。三勸成其本願。四勸求無礙智。五勸成佛外報。六勸證佛內明無量勝行。七勸總修無遺。成徧知道。遠公攝七爲二。前六舉多未作。轉其住心。後一明其少作能成。增其去心。經無此文。論似有意。於理無違。今攝爲三。前三勸其下化。初一化法。次一正化。後一化願。次三勸其上求。初一折其所得。非勝。後二引其求佛勝果。若外若內。三最後一勸總結多門。以所作無邊。別說難盡故。然七皆含轉住增去。今初有三。一明多未作。以未得修十力等教授衆生法故。二汝應下。勸令修習。三勿復

下。莫捨忍門。然捨有二義。一若以放捨身心。在此忍門。斯則不應。故云勿復。是以論云。若不捨此忍行。不得成就一切佛法。此令捨著。二全棄捨。則所不應。故論云。依彼有力能作故。故云勿復放捨。此令依之。

又善男子。汝雖得是寂滅解脫。然諸凡夫。未能證得。種種煩惱。皆悉現前。種種覺觀。常相侵害。汝當愍念如是衆生。

〔疏〕第二勸中。三初明自所得忍。二然諸下。明他無忍。起過在家多有煩惱。出家多起覺觀。皆是衆生。

無利益事。三汝當下勸起悲心。悲心依上而轉出。
家多起下。皆是論意。意云出家斷除煩惱不與之俱爲斷。此故未善方便。故多覺觀。或起惡覺。乃至不忘善覺。

又善男子。汝當憶念本所誓願。普大饒益一切衆生。皆令得入不可思議智慧之門。

疏第三勸中。願有二種。一依廣心下化衆生。二皆令得下。依大心。然有二義。一令他得。二令自得。自得佛智。依此智行能廣利故。

又善男子。此諸法法性。若佛出世。若不出世。常住不異。諸佛不以得此法。故名爲如來。一切二乘亦能得。

此無分別法

疏第四勸中有三初法性真常定其所向鈔定其所向者

所尚即無生法忍所忍即諸法實性故三地中名

八地為一切法如實覺法性即實相真如理無廢

典故云出世不出不異次諸佛下奪其異佛勸其上求以有

淡無礙智大用無涯方不共二乘故以有淡無礙智者即下偈

云法性真常離心念二乘於此亦能得不以此故

為世尊但以甚淡無礙智意示甚淡無礙智為世

尊耳對下同於後一切下抑同二乘令不任忍三

二乘故此不共獸渡河同涉理故功行疲倦趣寂為垢故應勿住

抑同二乘者此一乘旨二乘絕分非是共理約寄

位中勸其莫作故抑令同下三獸渡河亦是抑耳

河即是通理如彼身子自領解云我等同入法性

故功行疲倦者此下是論意斯則三乘皆功行疲

欲趣於寂。是菩薩垢。故論云。依不共義。功行疲倦。彼垢轉。故謂依轉進。

又善男子。汝觀我等。身相無量。智慧無量。國土無量。方便供量。光明無量。清淨音聲。亦無有量。汝今宜應成就此事。

〔疏〕第五勸中。舉身相等六。皆是化生事業。若成就此法。則有力化生。故勸修成就。

又善男子。汝今適得此一法明。所謂一切法無生無分別。善男子。如來法明無量入。無量作。無量轉。乃至百千億那由他劫。不可得知。汝應修行。成就此法。

〔疏〕第六勸中有三。初明其所得未廣。次善男子下。

示佛無量勝行。無量入者。所入法門差別故。作是法門業用。轉是業用上上不斷。後汝應下。結勸又善男子。汝觀十方無量國土。無量衆生。無量法種種差別。悉應如實通達其事。

〔疏〕第七勸中。二先舉三種無量。卽淨土中。三自在行。後悉應下。結勸。明少作在。旣言悉應通達。明少分觀察。卽能成就。去佛非遙。此同德生勸於善財。勿以少行而生知足。故云無量。鈔三自在行者。卽三世間自在耳。

○第三顯勸所爲

佛子。諸佛世尊。與此菩薩如是等無量起智門。令其

能起無量無邊差別智業

〔疏〕顯勸所爲。今起智業故

○第四彰勸益中。亦是所爲。爲是故勸。於中二。先明不勸之損。故不得不勸。後彰勸之益。是故須勸。今初

佛子。若諸佛不與此菩薩起智門者。彼時卽入究竟涅槃。棄捨一切利衆生業

〔疏〕有二。一自損。旣不與智。卽入涅槃。故應須與。故論云。卽入涅槃者。與智慧示現。二者損他。不利生。故問始行之流。尙修無住。豈深智地。取滅須勸。一

問頗有一人佛不與智便取滅不。二問答有四義
故是以須勸一爲引斤定性二乘明菩薩此地大
寂滅處猶有勸起况彼所得寧爲究竟二爲警覺
漸悟菩薩樂寂之習三爲發起始行無厭上求四
爲顯此地甚深玄奧難捨所以須勸但有此深奧
法流之處必有諸佛作七勸橋故無一人便取永
寂又設佛不勸亦無趣寂爲顯勸益假以爲言

○第二彰勸益中有法喻合初法

以諸佛與如是等無量無邊起智門故於一念頃所
生智業從初發心乃至七地所修諸行百分不及一。

乃至百千億那由他分亦不及一。如是阿僧祇分。歌羅分。算數分。譬喻分。優波尼沙陀分。亦不及一。何以故。佛子。是菩薩先以一身起行。今住此地。得無量身。無量音聲。無量智慧。無量受生。無量淨國。教化無量衆生。供養無量諸佛。入無量法門。具無量神通。有無量衆會道場差別。住無量身。語意業。集一切菩薩行。以不動法故。

疏法中三。初牒前與智彰益之因。二於一下起行速疾。三何以下。釋疾所由。謂先唯一身。故長時劣。此一念。此地身等無量。故一念頓超。有十一句前。

十別明。後一總結。十中。初六依教化衆生。次二依
自集助道。後二依障清淨。十中一多身現。所以多
者。論云。一切菩薩身信解如自一身。故謂智契同
體。故能卽一爲多。此實報能爲不同前諸地變。此
實報下。釋通妨難。難云。初地百身。二地千身。如是
漸增。乃至七地。有百千億那由他身。何得言一。故
今答云。彼前多身。皆云示現。卽變化爲。非實報得
以其前地功用分別。未捨離。故不能合法。凡所爲
作。名心自在。非法自在。是故不得就法說多。此地
功用分別。心息契合法界。凡所爲作。名法自在。以
法門無量隨法論身。身亦無量。舉身旣爾。餘可例知。此對前一身。餘音聲等
對前起行。類亦無量。二圓音隨說。三隨所知智。四
隨取何類生。五隨應以何國。六隨其教化何類衆

生。七隨供養集福德。助道。八隨入何法門。集智慧。助道。九隨神通障淨。十隨智慧障淨。故能處無量衆會。隨機說法。皆言隨者。隨宜非一。釋無量言。故隨時之義。其大矣哉。後一結釋中。先結。謂起行衆多。不離三業。後以不動法故者。釋由無相無功。無有間斷。故相用不動。任運集成。

○二喻

佛子。譬如乘船欲入大海。未至於海。多用功力。若至海已。但隨風去。不假人力。以至大海。一日所行。比於未至。其未至時。設經百歲。亦不能及。

〔疏〕喻中。船喻彼行速疾。論云。應知因勝示現者。釋疾所由。船由入海故疾。行入無生故疾。

○三合

佛子。菩薩摩訶薩亦復如是。積集廣大善根資糧。乘大乘船到菩薩行海。於一念頃。以無功用智。入一切智智境界。本有功用行。經於無量百千億那由他劫。所不能及。

〔疏〕谷中。初合未至海。卽前七地。次到菩薩下。合若至海。卽第八地。無生之智。亦是行故名爲行海。又頓能徧起。卽深而廣。亦得名海。無功用智。以合上。

風。一切智境。明其趣果。前喻所無。以無生智。同佛智海。故喻不分。本有已下。合前校量。第三得勝。

行分竟

論總有三加七勸三加者。一諸佛現身。二與智。三言讚善哉善哉。七勸者。如上科文作七段是也。如世帝王德備。卽鳳翔麟應。是德所感也。明此八地無功智現。卽十方諸佛感應。是法爾合然。故經云善男子。此忍第一。順諸佛法者。明此地得無生忍。非如第六七地已前。順忍故。此忍第一。順諸佛法者。明此無生忍。是諸佛本體智性故。已上一段。以

明三加七勸安立法則十住十行十廻向十地等
第八位中大勢共同總明十住初心一念入道生
如來智慧家時一切法總具防之然法須安立次
第升進不滯諸行故令諸始發心者知軌度故從
初發心興大願故令大悲智而與法身齊升進故
設教前卻學者一時智有迷悟淺深自露以智境
界非有前後

○大文第四淨土分者問經中但云大方便智一
切觀察皆如實知廣說化生應形作用瑜伽論
中十自在前起智門後但云得分身智何以論

主判爲淨土。分耶答淨土有二。一是能淨之因。二是所淨之果。此有二對。一相淨果。謂寶嚴等。以行業爲因。謂直心等。二自在淨果。謂三世間圓融等。以德業爲因。謂淨土三昧等。今約後對。然淨土行業。始起在凡。滿在一地。淨土德業。始起不動。終在如來。文分三別。一器世間自在行。二衆生世間自在行。三智正覺世間自在行。初是化處。次是所化。後是能化。具後二淨。方名淨土。然初一多約能淨。後二多約所淨。文影畧耳。

今初

佛子。菩薩住此第八地。以大方便善巧智。所起無功用覺慧。觀一切智智所行境。

疏分二。先總標舉。無功用智爲能觀智。智所行境。爲所觀。方便善巧。卽無功用因。在於七地修無功用。今得自在。

所謂觀世間成。觀世間壞。

疏後別顯其相。有五種自在。一隨心欲。二隨何欲。三隨時欲。四隨廣隘欲。五隨心幾許欲。今初觀世間成壞論云。隨心所欲。彼能現及不現故者。謂約能淨論。隨隨自心欲知。卽能知故。約所淨論。隨隨

衆生心樂欲見者則現成現壞不欲見者則不現
故經云觀知則唯約因論王欲顯義兼於果故云
隨現卽轉變自在。下之四段隨現準知

由此業集故成。由此業盡故壞

疏二明隨何欲謂隨物欲知。何業成壞皆能現故
幾時成幾時壞幾時成住幾時壞住皆如實知

疏三明隨時欲謂隨時長短。卽能現故若約能淨
卽隨時智。如此世界成二十劫。初劫成器。餘成衆
生壞亦二十。先壞衆生。後一壞器。竝稱事稱理。名
如實知

又知地界。小相。大相。無量相。差別相。知水火風界。小相。大相。無量相。差別相。知微塵細相。差別相。無量差別相。隨何世界中所有微塵聚。及微塵差別相。皆如實知。隨何世界中所有地水火風界。各若干微塵。所有寶物。若干微塵。衆生身。若干微塵。國土身。若干微塵。皆如實知。知衆生大身。小身。各若干微塵。成知地獄身。畜生身。餓鬼身。阿脩羅身。天身。人身。各若干微塵。成得如是知微塵差別智。

〔疏〕四隨廣。陞欲彼能現。故文中三。初知四大差別。卽是廣相。二是知陞相。三知能所成。卽雙明廣陞。

相今初中。小相者非定地報識境界。大相者定地境界。乃至四禪。緣三千故無量者。如來境界。上三是事分齊。皆以境界智知差別相者。是法分齊。故以相智知。知其自相。同相差別故。後類餘易了。初知四大差別。卽是廣相者。謂知大分齊。小相者。下散心所知。少故名小。定心所知。廣故名大。初禪量等四洲。二禪量等小千。三等中千。四等大千。故云乃至。量既徧等。故能徧緣。無量相者。佛智稱事理之實。故無分量差別相者。若大小。卽事分齊。知地堅相。水溼相。等名。知自相同。無常等名。知其相皆齊也。二知微塵下。知陬相中。細者透金塵。故論經次云。麤相者。隙塵故。差別同前。無量差別者。一塵之中。含多法。故塵之麤細俱通。定散。故不云小。

大。細者透金塵故者俱舍云極微微金水兔羊牛
相。隙塵。蟻蝨麥指節。後後增七倍。隙塵乃塵中最
微。無一極微獨處而住。故不說初而七極微爲一
微塵。此亦最細而名是通。故取第三透金之塵以
爲細也。一塵之中。中含多法者。能造所造。一
聚而現。必具堅溼煖動色香味觸。故云多法。三隨
何世界下。知能所成中二。先總知內外。二知地獄
下。別明六道。斯卽楞伽責所不問。意顯窮幽。又云
無性故。斯卽楞伽下。謂大慧菩薩發一百八問云。
我名爲大慧。通達於大乘。今以百八義。仰
諮尊中。上下問云。何淨其念。云何念增長。等列問
竟。佛讚善。牒問竟。然後責其所問。不盡云。諸山須
彌地。巨海。日月量。下中。上衆生。身各幾微塵。一
利幾塵。弓弓數。有幾肘步。拘樓舍。半由一由。巡乃
至云。是等所應請。何須問。餘事聲聞。辟支佛。佛及
最勝子。身各有幾數。何故不問。此釋曰。此卽責所
不問也。

又知欲界色界無色界成。知欲界色界無色界壞。知欲界色界無色界小相。大相。無量相。差別相。得如是觀三界差別智。

疏第五明隨心幾許欲。卽能現故。文中二初約智知自在。上卽三界互望論大小。今卽一界之中自分大小。欲界中人境爲小。天境爲大。色中覺觀爲小。無覺觀爲大。無色界中論云。佛法中凡境爲小。聲聞菩薩爲大者。爲揀外道妄取爲涅槃故。特云佛法如來所知一切三界皆名無量相。鈔佛法中無色無有分量。何有大小。答大乘之中許有色故。離世間品。明菩薩鼻根聞無色界宮殿香故。此有

二意。一無粗有細。二無共相色。有通果色故。

佛子。此菩薩復起智明教化衆生。所謂善知衆生身差別。善分別衆生身。善觀察所生處。隨其所應而爲現身教化成熟。此菩薩於一三千大千世界。隨衆生身信解差別。以智光明普現受生。如是若二若三。乃至百千。乃至不可說三千大千世界。隨衆生身信解差別。普於其中示現受生。此菩薩成就如是智慧故。於一佛刹其身不動。乃至不可說佛刹衆會中。悉現其身。

〔疏〕第二約通明自在。隨物現化。文中三。二。隨機現

化於中。初標能化智。次所謂下。明所知機。有三句。
一。知身類不同故。二。知隨身宜用方便異故。三生
何等界能利生故。後隨其下。正明隨化。雖言現身。
意在生處。故屬器界。二。此菩薩於一三千下。明化
分齊。三。此菩薩成就下。明現自在。謂不動而徧。猶
月入百川。器世間自在竟。

○第二明衆生世間自在行。謂隨感能應。調伏衆
生自在故。

佛子。此菩薩隨諸衆生身心信解種種差別。於彼佛
國衆會之中而現其身。所謂於沙門衆中。示沙門形。

婆羅門衆中。示婆羅門形。刹利衆中。示刹利形。如是毗舍衆。首陀衆。居士衆。四天王衆。三十三天衆。夜摩天衆。兜率陀天衆。化樂天衆。他化自在天衆。魔衆。梵衆。乃至阿迦尼吒天衆中。各隨其類而爲現形。又應以聲聞身得度者。現聲聞形。應以辟支佛身得度者。現辟支佛形。應以菩薩身得度者。現菩薩形。應以如來身得度者。現如來形。佛子。菩薩如是於一切不可說佛國土中。隨諸衆生信樂差別。如是如是而爲現身。

疏於中三。初總明感應。二所謂下。別顯感應於中。

顯化生行有二自在。一化同物身。沙門中現沙門形等故。卽身自同事。二又應下。化應物心。以身不必同其所化。卽心自同事。故論云。彼行化衆生身。心自同事。鈔以身不必同者。如有居士欲見佛身。爲現佛身。佛身不同居士。而隨心樂。名心同。三佛子菩薩如是下。總結感應。如是如是者。現類衆多故。若身若心無偏頓應。故論結云。自身心等分示現也。衆生世間自在竟。

○第三明智正覺世間自在行。遠公云。若就行境。應名二諦自在行。今就行體。名智正覺智於二諦。正覺無礙。故名自在。今更一釋。以所知十身。

皆是毘盧遮那正覺之體。亦得從境名智正覺。

能令相作。亦自在故。鈔今就行體者以智正覺一切法故

佛子。此菩薩遠離一切身想。分別住於平等。

〔疏〕文中二。初明第一義智。後明世諦智。今初上句離妄。下句住實。由自身他身不分別故。住於平等。不分別言。非唯照同一性。亦乃能所照亡。論云。此不同二乘。第一義智示現者。以彼不得法空。不能即俗而真。非一異故。

此菩薩知衆生身。國土身。業報身。聲聞身。獨覺身。菩薩身。如來身。智身。法身。虛空身。

疏二明俗諦智中有三。一總知十身。二令十身相作顯通自在。三別顯相知彰智自在。今初十身論攝爲三。初三染分。次六淨分。後一不二分。皆言分者。同一大緣起法界分爲十。故卽染分依他淨分依他。同依一實故。染中三者。初是衆生世間。次國土世間。業報身者。彼二生因。謂業煩惱。經畧煩惱。故論具之。而云報者。業能招報。從果立名。若是所招。寧異上二。然國土身。合通於淨。且從一類。以判爲染。次六總以三乘爲淨分。於中前四是人。菩薩及佛。但因果之異。次一是能證智。後一是所證法。

後虛空身是不二分者。通爲二依。非染淨故。觀下
別顯。多約事空義。兼於理。鈔義兼理空者。無量同
遍等皆兼於理。亦由此
故爲二
所依

此菩薩知諸衆生心之所樂。能以衆生身作自身。亦
作國土身。業報身。乃至虛空身。又知衆生心之所樂。
能以國土身作自身。亦作衆生身。業報身。乃至虛空
身。又知諸衆生心之所樂。能以業報身作自身。亦作
衆生身。國土身。乃至虛空身。又知衆生心之所樂。能
以自身作衆生身。國土身。乃至虛空身。隨諸衆生所
樂不同。則於此身現如是形。

疏二諸身相作。皆先明相作所由。由隨機故。文中
二。一別顯相作。畧有四翻。云何法智虛空得爲自
身。入法智中。自然應現自己身故。令於虛空。忽見
自身。故名爲作。作餘亦爾。鈔云何法智者。此假問
也。法中理法。理法無形
智體虛空。皆無形質。不可作身。云何言作。答意云
智證於法。自然應現。卽是作義。亦由體理成智。理
寂無相。而成有知。故令於虛空下。通虛空作自。此
三作自既爾。自作此三亦然。冥同理智及虛空故。
二隨諸衆生下。總結例餘。上但舉四翻理應具十。
成一百身。然自身卽是菩薩。若將自望菩薩。別則
有百一十身。故云則如是現。所以相作得無礙者。
廣如懸談。今文畧有三意。一由證卽事第一義故。

事無理外之事。事隨理而融通。故此章初先明勝義。二者緣起相由故。三業用自在故。

此菩薩知衆生集業身報身煩惱身色身無色身。

疏第三別顯知相中。十身爲八。以三身合故。然其類例應各具十。文或闕畧。且從顯說初衆生身有五相。初三業生煩惱妄想染差別。此約總明三界。後二約上二界。卽就報開別。若總開三界五趣。則具十矣。鈔若總開下。色身兼欲色二界。加無色爲二界。集業煩惱爲二。報身卽五趣報。故爲十也。

又知國土身小相。大相。無量相。染相。淨相。廣相。倒住。

相正住相。普入相。方網差別相。

疏二國土身具有十相。前八一切相。後二真實義

相前中初三分齊相。即小中大千。次二染淨差別

次廣即寬隘差別。此畧無隘。次二依住差別。真實

中。一重頓入。名為普入。十方交絡。故云方網。又重

重現故。多同初地。鈔又重重現下。雙釋普入及方

受利。重重皆入。名為普入。既交絡入。九方入東東

入西時。帶餘九入西。入南時。帶東諸方。而入於南

故成重重。即初地中。如帝

網差別。故為真實義。故
知業報身假名差別。知聲聞身獨覺身菩薩身假名
差別

〔疏〕三四一段。共有四身。皆云假名差別者。但有自相同相差別。假名分別。實無我人。餘亦假名偏語。此四者。業因尙假。苦果可知。聖人尙假。况於凡類。又三乘聖人。方能知假。佛德超絕。不得云假。

知如來身。有菩提身。願身。化身。力持身。相好莊嚴身。威勢身。意生身。福德身。法身。智身。

〔疏〕五知佛身。自有十相。餘之九身。既是佛身。一一有此。則已成百。若更相作。則重重無盡。菩提身者。示成正覺故。二願生兜率故。三所有佛應化故。揀異猿猴鹿馬等化。故云應化。卽王宮生身。四自身。

舍利任持故。上四於三身中。皆化身攝。五所有實報身。無邊相海等。揀三十二等。故云實報。卽三中報身。六所有光明攝伏衆生。故云威勢。卽通報化。鈔六所有下。論經名光明身。故遠公云。善軟衆生慈光攝取剛強衆生。威光伏取。故云攝伏。七意生身者。論云。所有同異世間出世間。心得自在。解脫故者。同謂同類。異謂異類。世卽地前。出世地上。謂若凡若聖。若同若異。由得自在解脫。故隨意俱生。卽種類俱生。無作行意生身也。此通變化。及他受用。八福德者。所有不共二乘之福。能作廣大利益。因故。故種少善根。必之佛果。九法身者。所有

如來無漏界故。斯卽所證法體故。離世間品十佛
中。名法界佛。諸漏永盡。非漏隨增。性淨圓明。故名
無漏界。是藏義。生義。含無邊德。生世出世諸樂事
故。十智身者。所有無障礙智。謂大圓鏡智。已出障
垢。證平等性故。次云。此智能作一切事者。卽成所
作智。彼事差別。皆悉能知者。卽妙觀察智。此通四
身。但兩重十身。一一圓融。故異諸教。

知智身善思量相。如實決擇相。果行所攝相。世間出
世間差別相。三乘差別相。共相。不共相。出離相。非出
離相。學相。無學相。

疏六知智身有十一相。攝爲三類。初二約體分別。初通聞思。二卽修慧。俱通理教。次果行相。卽因果分別。行卽是因。通於三慧。果唯證入。相離前三。餘有八智。皆約位分別。於中初一。是總。世間俗智。名之爲世。二乘聖智。名爲出世。又道前名世。見道已去。名出世。五三乘者。於出世中。大小分別。小乘十智等。中乘七十七智等。大乘權實無量。六七十二相。於大乘中。麤妙分別。甚淡般若。不共二乘。相似般若。若是則名共。八九二相。通就三乘縛解分別。於新熏性。習未習故。後二通於三乘。修成分別。鈔果唯證入者。

此明智身。了於諸法。法有達證二義不同。今就果說。故唯證知。言相離前二者。離聞思修相。如初地示說分齊中說。然此通約因果而說。若分三乘。小乘四果爲果。趣四果因爲行。中乘無學爲果。有學爲行。大乘之中。佛果爲果。餘皆爲行。小乘十智等者。卽法類四諦。他心世俗及盡無生前已曾解。中乘七十七者。廣如六地鈔中。

知法身平等相。不壞相。隨時隨俗假名差別相。衆生非衆生法差別相。佛法聖僧法差別相。

疏七知法身。前能知智。此所知法。竝通一切智法。不同前佛法智。唯局如來。文有五相。一平等相。卽是理法。論云。無量法門。明等一法身故者。謂法門雖殊。同詮平等法身。生佛無二故。二不壞相。卽是

行法論云。如聞取故。謂稱理起行。名如聞取。行符
乎理。則冥之菩提。名不可壞。三卽教法。隨所化衆
生根性相應時說差別故。理本無言。假言顯理。若
權若實。皆是隨俗假名。四卽重顯理法所徧之境。
此通染淨平等法身。徧情非情故。五卽果法。唯約
於淨。故論云。第一相差別。三乘同證。第一義故。隨
智有異。三種不同。故所顯理。亦說深淺。若約功德
等異。如常所辨。鈔隨智有異者。卽一切賢聖。皆以
無爲法而有差別。大品云。由平等
故。分別須菩提等故。所顯理者。小乘人空。如兔之
足。中乘修習。如馬之足。大乘二空。深徹底故。若約
功德者。小乘三生。緣覺百劫。菩薩三祇。乃至三
學萬行。差別非一。皆以一相統之。則四法一揆。

知虛空身無量相。周徧相。無形相。無異相。無邊相。顯現色身相。

〔疏〕八知虛空身。文有六相。一無量相。芥子中空。亦無分量故。二徧至一切色非色處故。三不可見故。今世人見者。但見空一顯色。想心謂見故。涅槃經中。廣破見空。又此含無爲空。故亦不可見。四無異相者。無障礙故。謂不同色法彼此相異。有障礙故。五無邊相。謂無始終起盡之邊故。六能通受色相。持所持故。故下經云。譬如虛空寬廣非色。而能顯現一切諸色。旣因色分別。彼是虛空。則知因空顯。

彼爲色。

【鈔】空一顯色者。謂上所見青等顯色。釋曰。若智論說。上空謂作青白影色。見故。

【論】大意明此八地菩薩無功之智所及之用故。

第四淨土分竟

○大文第五自在分

佛子。菩薩成就如是身智已。得命自在。心自在。財自在。業自在。生自在。願自在。解自在。如意自在。智自在。法自在。

【疏分二】初牒前爲因。修行三種世間自在行。故得十自在。在此但約智通說。若依攝論以六度爲因。如下別明。二得命下顯自在。果命自在者不可說不

可說劫命住持故。心則無量阿僧祇三昧入智故。財謂一切世界無量莊嚴嚴飾住持示現故。上三以施爲因。如次以一切時一切處一切物施故。業則如現生後時業報住持示現故。生則一切世界生示現故。上二自在以戒爲因。戒調身語成勝業故。復由戒淨隨欲生故。願則隨心所欲佛國土時示成三菩提故。此則由進策勤無懈廢故。解則一切世界中徧滿示現故。論經名信解。攝論名勝解。皆一義耳。用忍爲因。以修忍時隨衆生意故。得一切皆隨心轉。謂變地爲金等。如意則一切佛國中。

如意作變事示現故。以定爲因。智則如來力無畏。不共法相好莊嚴。三菩提示現故。法則無中無邊。法門明。示現故。上二同以般若爲因。內照所知。得智自在。應根宣說。得法自在。於此十中。若智若通。皆無壅滯。故云自在。論以此十。治十怖畏。一治灰怖畏。二治煩惱垢染怖畏。三治貧窮。四治惡業。五治惡道。六治求不得。七治謗法罪業。八治追求時縛不活。九法自在。治云何云何疑。十智自在。治大衆威德。次此十亦卽初地五畏。細故漸開。此中二四七卽是惡名。惡名本故。三六屬不活。九屬第十。

故約因而論。此地方得約果而論。圓滿在佛。此約行布。下離世間。上賢首品。皆有此十。而約普賢位。通貫始終。

〔論經云。命自在者。於不生不滅大智體上。同一切衆生受生。處自在故。心自在者。隨無念智所作。能辦故。餘如文自具。〕

○大文第六。明大勝分。於中三。初智大智。解殊勝故。二業大。行業寬廣故。三彼二所住功德大智業所成故。今初。

得此十自在故。則爲不思議智者。無量智者。廣大智。

者。無能壞智者。

〔疏〕文有五句。初句牒前爲因。則爲下正顯。顯有四智。初一爲總。謂不住世間涅槃。寂用難測。名不思議。此不思議有三。一修行盡至不思議。謂證涅槃無分量故。二所知不思議。廣照世境故。三除障不思議。謂令真如出所知障。天魔外道不能壞故。

○第二業大

此菩薩如是入已。如是成就已。得畢竟無過失身業。無過失語業。無過失意業。身語意業隨智慧行。般若波羅蜜增上。大悲爲首。方便善巧。善能分別。善起大

願佛力所護。常勤修習。利衆生智。豈具住無邊差別世界。佛子。舉要言之。菩薩住此不動地。身語意業。諸有所作。皆能積集一切佛法。

疏有三。初二句牒前爲因。一入自在。二成就智。

入自在者。卽經云。如是入已。牒前十自在也。二成就智。卽經云。如是成就已。卽牒前爲不思議智者。次得畢竟下。正顯業大。有十二句。初三明三業

淨。當相辨業。後九約修辨業。攝爲四。相初一句。明起論云。所起能起同時。謂身語意是所起。智慧爲能起。此三業起。必與能起同時。故經云。隨行。智爲導首故。二般若下四句。智攝不染。作利衆生行等。

謂由般若攝彼大悲。故不染愛見。能起方便利衆
生行。三善起下二句。因攝謂內由大願爲自行他
行之因。又外蒙佛攝。得成二因。四後二句。作業所
持。初句利益衆生。後句淨佛國土。故經云下。經文
但有身語意業
隨智慧行論經云智慧爲首。智隨順轉故。疏具用
二句之意。以智先導。釋其隨行。初智導起。起已不
失於智。卽
是隨行故。後佛子下。總結可知。

○第三彼二所住功德大

佛子。菩薩住此地。得善住深心力。一切煩惱不行故。
得善住勝心力。不離於道故。得善住大悲力。不捨利
益衆生故。得善住大慈力。救護一切世間故。得善住

陀羅尼力。不怠於法。故得善住辯才力。善觀察分別一切法。故得善住神通力。普往無邊世界。故得善住大願力。不捨一切菩薩所作。故得善住波羅蜜力。成就一切佛法。故得如來護念力。一切種一切智智現前。故此菩薩得如是智力。能現一切諸所作事。於諸事中。無有過咎。

〔疏分三〕初標所任分齊。次得善下。顯所任德。三此菩薩下。結成功德。二中十句。依七種功德。謂初四爲一。善住道功德。此是德體。以二利。行爲菩薩道。故初二自利。先契理離障。名爲淡心。後對治堅固。

名爲勝心。後二慈悲利他。後六各一。約修辨德。初三三輪化益。修上利他。後三願行相符。外招佛護。修上自利。三結成中。近結此段。遠結前三。得如是智。結前智大。以智證理得無憎愛故。次能現下。結作業大。平等作故。後於諸下。結所任功德大。得七功德。無過咎故。

○大文第七釋名分。亦攝真如。相迴向。稱如不動等故。釋名分二。一。地釋名。卽約法明位。二。智者釋名。卽約人彰德。鈔第七釋名分。二。地釋名者。廣明此地有不動德故。二。約人者。廣明任此地菩薩有不動德故。法卽本有此德。如於菩提。人由得地。故成勝德。猶如此覺。

者

佛子。此菩薩智地。名爲不動地。無能沮壞故。名爲不退轉地。智慧無退故。名爲難得地。一切世間無能測故。名爲童真地。離一切過失故。名爲生地。隨樂自在故。名爲成地。更無所作故。名爲究竟地。智慧決定故。名爲變化地。隨願成就故。名爲力持地。他不能動故。名爲無功用地。先已成就故。

疏今初十句。謂此諸名對前經立。初二從淨忍分受名。得無生忍。入不動故。此句爲總。此智現前。故無退壞。天二約得勝行分受名。一得爲深行菩薩。

不可知故。二離一切相等諸過失故。次三約淨土分受名。生地。謂器世間自在。隨樂生故。成地。衆生世間自在。隨物成身。自無作故。究竟地。智正覺世間。決二諦故。次一約自在分。隨願成就。方名自在。次一約大勝分。得淡心等十種力持故。後無功用。通該始終。

○第二智者釋名中。二初牒前爲因。由得智地故。佛子。菩薩成就如是智慧。

○二就人顯以何義故。菩薩名爲得不動地。有二義故。一一向不動。謂行修上順故。二一體不動。

謂與諸菩薩行體同故。鈔一向不動。是勝進行。一體不動。是自行。先明勝進者。舉彼勝求。顯於自分。從上滿也。文中先總明。後常爲下。別顯。今初。

入佛境界。佛功德照。順佛威儀。佛境現前。

疏文有四句。皆含二義。論總釋云。佛性隨順因。故佛性卽初句。菩薩由得地智。能上入之。隨順因者。卽下三句。由三爲因。故能隨順佛境。一攝功德。佛功德照者。善清淨義。故謂以無垢慧。善照佛德。卽是攝義。二者行。謂正行威儀。順同佛故。三者近。卽佛境現前。近如可覩故。鈔今初文有四句。皆含二義者。謂一向一體。以遠公

將此總屬於一向不動。則此四句。明一向義。後十方明一體不動。故疏按定云。皆含二義。謂由入佛境故。一向上順。亦與菩薩同一體性。下三句準之。

○後別顯二。先明一向不動。

常爲如來之所護念。梵釋四王。金剛力士。常隨侍衛。恒不捨離。諸大三昧。能現無量諸身差別。於一一身。有大勢力。報得神通三昧自在。隨有可化衆生之處。示成正覺。

疏論經十句。今經闕一。初一總顯佛加。解參玄極。上德被已故。既常爲佛加。故名一向不動。餘句別依五種功德以顯不動。一供養功德。卽梵釋四王。

論經王下。有奉迎之言。二守護功德。謂金剛等現形衛故。三依止功德。恆不捨三昧故。四國土清淨功德。卽能現諸身差別。若器若衆生。皆能隨現。故云無量。鈔謂金剛等者。此前亦有。但冥衛耳。如來常有八金剛神。列其八面。此地菩薩隨分得五於一。一下。教化衆生功德。此復五種。前三自分。後二勝進。一願取諸有。多爲主導。故云有大勢力。二根心使智力。卽報得神通。窮三際中衆生根欲等故。三無量法力。三昧自在轉法輪故。四受力。彼經云。能受無量記故。今經闕此。五說力。卽隨有可化示成正覺。眞能說故。論經此後。更有一句結

云。是菩薩如是通達。論云。一向不動故。

○二明一體不動

佛子。菩薩如是入大乘會。獲大神通。放大光明。入無礙法界。知世界差別。示現一切諸大功德。隨自在。善能通達前際後際。普伏一切魔邪之道。深入如來所行境界。

疏支有十句。初總餘別。總云入大乘會者。謂入同類大乘衆數故。入數者。不破壞義。和合如一故。別有九種。具此九種。堪入衆數。一智不壞。獲法智通故。二說不壞。謂放教智光故。三解脫不壞。謂不住

行證入空有等無礙法界。業用無礙故。四佛國清
淨不壞。知世界自在故。五入大乘不壞。智能不現
大功德故。六神通不壞。隨意自在故。七善能下。能
解釋義不壞。稱三際說故。八普伏下。坐道場不壞
萬行及菩提樹下。伏魔邪故。九正覺不壞。入如來
境。同佛覺故。

○第三總結所住

於無量國土修菩薩行。以能獲得不退轉法。是故說
名住不動地。

〔疏〕行無障礙。不斷不轉。念不退故。

○第二位果

佛子。菩薩住此不動地已。以三昧力。常得現見無量諸佛。恒不捨離承事供養。此菩薩於一一劫。一一世界。見無量百佛。無量千佛。乃至無量百千億那由他佛。恭敬尊重承事供養。一切資生悉以奉施於諸佛所。得於如來甚深法藏。受世界差別等無量法明。若有問難世界差別如是等事無能屈者。如是經於無量百劫。無量千劫。乃至無量百千億那由他劫。所有善根轉增明淨。

〔疏〕調柔中。先調柔行。法說中。受世界差別等無量

法明者等取衆生智正覺故論名彼因相故者以
所受法爲自在因故

譬如真金治作寶冠置閻浮提王聖王頂上一切臣
民諸莊嚴具無與等者

疏喻中真金作閻浮提王冠者喻得清淨地身心
勝故以此地中報行純熟三世間自在故特加於
王無與等者喻善根光明轉更明淨

此地菩薩所有善根亦復如是。一切二乘乃至第七
地菩薩所有善根無能及者。以住此地大智光明普
滅衆生煩惱黑闇善能開闡智慧門故。佛子譬如千

世界王大梵天王能普運慈心普放光明滿千世界。此地菩薩亦復如是能放光明照百萬佛刹微塵數世界。令諸衆生滅煩惱火而得清涼。

疏一佛子譬如下。教智淨。梵王普放光明者。勝前日光。一多故。二淨故。三廣故。

此菩薩十波羅蜜中。願波羅蜜增上。餘波羅蜜非不修行。但隨力隨分。是名略說諸菩薩摩訶薩第八不動地。若廣說者。經無量劫不可窮盡。佛子。菩薩摩訶薩住此地。多作大梵天王。三千世界最勝自在。善說諸義。能與聲聞辟支佛諸菩薩波羅蜜道。若有問難。

世界差別無能退屈。布施愛語利行同事。如是一切諸所作業。皆不離念佛。乃至不離念一切種一切智。復作是念。我當於一切衆生中爲首爲勝。乃至爲一切智智依止者。此菩薩若以發起大精進力。於一念頃得百萬三千大千世界微塵數三昧。乃至示現百萬三千大千世界微塵數菩薩。以爲眷屬。若以菩薩殊勝願力自在示現。過於是數。乃至百千億那由他劫不能數知。

○第三重頌分

爾時金剛藏菩薩欲重宣其義而說頌曰

七地修治方便慧

善集助道大願力

復得人尊所攝持

爲求勝智登八住

功德成就恒慈愍

智慧廣大等虛空

〔疏〕二十二頌分三初十八偈半。頌位行次二偈半。

頌位果後一。結說分齊。今初頌上七分。卽爲七段。

初一偈半。頌集作地分

聞法能生決定力

是則寂滅無生忍

知法無生無起相

無成無壞無盡轉

離有平等絕分別

超諸心行如空住

〔疏〕二一偈半。頌淨忍分

成就是忍超戲論

甚深不動恒寂滅

一切世間無能知

心相取著悉皆離

住於此地不分別

譬如比丘入滅定

如夢度河覺則無

如生梵天絕下欲

疏三有七偈。頌德勝行分。於中二初二頌。淡行勝

以本願力蒙勸導

歎其忍勝與灌頂

語言我等衆佛法

汝今未獲當勤進

汝雖已滅煩惱火

世間惑燄猶熾然

當念本願度衆生

悉使修因趣解脫

法性眞常離心念

二乘於此亦能得

不以此故爲世尊

但以甚深無礙智

如是人天所應供

與此智慧令觀察

無邊佛法悉得成

一念超過曩衆行

菩薩住茲妙智地

則獲廣大神通力

一念分身徧十方

如船入海因風濟

疏後五頌發起勝於中云。但以甚深無礙智者。長行所無。故知唯念法性。則同一乘。事理事事。皆無障礙。是菩薩學故。

心無功用任智力

悉知國土成壞住

諸界種種各殊異

小大無量皆能了

三千世界四大種

六趣衆生身各別

及以衆寶微塵數

以智觀察悉無餘

菩薩能知一切身

爲化衆生同彼形

國土無量種種別

悉爲現形無不徧

譬如日月住虛空

一切水中皆現影

住於法界無所動

隨心現影亦復然

隨其心樂各不同

一切衆中皆現身

聲聞獨覺與菩薩

及以佛身靡不現

衆生國土業報身

種種聖人智法身

虛空身相皆平等

普爲衆生而示作

〔疏〕四有六偈。頌淨佛國土分。於中三。初二器世間。次三衆生世間。後一智正覺世間。

十種聖智普觀察 復順慈悲作衆業

〔疏〕五有半偈。頌十自在。故晉經云。能得於十種妙大自在智。

所有佛法皆成就 持戒不動如須彌

十力成就不動搖 一切魔衆無能轉

〔疏〕六一偈。頌大勝分。

諸佛護念天王禮 密跡金剛恒侍衛

此地功德無邊際 千萬億劫說不盡

〔疏〕七一偈頌釋名分。密迹者。古譯爲力士。餘文可知也。

復以供佛善益明

如王頂上莊嚴具

菩薩住此第八地

多作梵王千界王

演說三乘無有窮

慈光普照除衆惑

一念所獲諸三昧

百萬世界微塵等

諸所作事悉亦然

願力示現復過是

菩薩第八不動地

我爲汝等已略說

若欲次第廣分別

經於億劫不能盡

已上第八地竟

福清靈石禪寺比丘寂影寂妙寂諳照
如照洞照融照澄照治常住同刻
華嚴經十地品疏論纂要第七卷伏
願衆等入彌勒樓閣之門修普賢法界
之行圓滿種智共報佛恩者
康熙二十二年九月 日華藏室謹題

大方廣佛華嚴經疏論纂要卷第七十